



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Komunikadu Imprensa
07 Agostu 2020

Tribunál sira hahú tama ba feriadu judisiáriu

Kada tinan hahu husi 01 Agostu to'o 15 Setembru 2020, tribunál sira iha Timor-Leste tama ba períodu feriadu judisiáriu. Tribunál sira sei reativa julgamentu normal iha 16 Setembru 2020.

Durante períodu ne'e, tribunál sira iha jurisdisaun haat Dili, Baukau, Suai no Oekusi sei suspende atividade prosesu julgamentu hanesan babain maibé kontinua atende kazu urjénsia sira liuhusi turnu ba prosesu sumáriu, arguidu detidu, prezu no primeiru interrogatóriu inklui kazu sivíl providénsia kautelár.

“Autór tribunál sira presiza duni tempu balun hodi deskansa tanba haree ba pezu serbisu ne'ebé todan, kazu aas iha tribunál sira no kazu balu komplexu tebes no gasta duni sira nia enérjia nune'e sira merese atu goza sira nia direitu ne'e,”dehan Diretora Ezekutiva JSMP, Sra. Ana Paula Marçal.

Feriadu judisiáriu ne'e oferese ba autóres judisiáriu sira atu goja sira nia direitu ba feriadu no deskansa, maibé iha tempu hanesan atu fasilita autór judisiáriu sira organiza an hodi mellora sira nia-an ho didiak iha kontestu prestasaun servisu judisiál nian no bele hadiak liu- tan sira nia produtividade.

Haree ba importânsia husi feriadu refere ba autór judisiáriu sira, JSMP hein katak depois feriadu ba autór judisiáriu sira kontinua servisu ho hanoin no espíritu foun tuir dever no direitu ne'ebé konsagra ona iha konstituisaun no lei oan sira.

Atu hetan informasaun kompletu, favór kontaktu:

Ana Paula Marçal

Diretora Ezekutivu JSMP

Diresaun e-mail: ana@jsmp.tl

Telefone: 3323883 | 77040735

Rua Beco Lakateu, Aldeia Manu fuik,
Suku Colmera, Administrativu Vera Cruz
Dili Timor Leste
PoBox: 275

Telefone: 3323883 | 77040735

www.jsmp.tl

luis@jsmp.tl

Facebook: www.facebook.com/timorleste.jsmp

Twitter: @JSMPtl